



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

Anr.1110/2021

Paneli Zgjedhor për Ankesa dhe Parashtrësia (PZAP), në panelin e përbërë nga gjyqtarët: Afijete Sada-Gllogjani kryesues, Milena Đeric dhe Kymete Kicaj anëtare, duke vendosur përkritazi me ankesën e Subjektit Politik Lidhja Demokratike e Kosovës (LDK), me seli në Prishtinë, paraqitur kundër Subjektit Politik Lëvizjes Vetëvendosjes (LVV), me seli në Prishtinë, dega në Podujevë, për shkak të pjesëmarrjes së përfaqësuesve të bashkësive fetare në tubime politike, për Raundin e Dytë të Zgjedhjeve Lokale të datës 14.11.2021, në seancën e panelit të mbajtur me datë 11.11.2021, mori këtë:

VE N D I M

Refuzohet e pabazuar ankesa Anr.1110/2021 e datës 10.11.2021, e Subjektit Politik Lidhjes Demokratike të Kosovës (LDK), me seli në Prishtinë, me të cilin ka kërkuar që Subjektit Politik Lëvizjes Vetëvendosje (LVV), me seli në Prishtinë, t'i shqiptohet gjobë për shkak të pjesëmarrjes së përfaqësuesve të bashkësive fetare në tubim, për Raundin e Dytë të Zgjedhjeve Lokale 2021, për Kryetar Komune, që do të mbahen me datën 14 nëntor 2021.

A r s y e t i m

PZAP-i, më datë 10.11.2021, ka pranuar ankesën Anr.1110/2021, nga subjekti politik Lidhja Demokratike e Kosovës (LDK), me seli në Prishtinë, të paraqitur kundër subjektit politik Lëvizjes Vetëvendosjes (LVV), me seli në Prishtinë, dega në Podujevë, me të cilën ndër të tjera pretendon se aktivistët e subjektit të tyre kanë vërejtur se në rrjetin social Facebook janë shpërndarë fotografi të cilat janë në kundërshtim me nenin 1 të Rregullës Zgjedhore Nr.20/2019 për ndryshimin dhe plotësimin e Rregullës Zgjedhore Nr.13/2013 Fushata e Zgjedhjeve dhe Njoftimi për Ngjarjet Politike të cilat në fushatën e tyre kanë përfshirë përfaqësues të bashkësive fetare. Më tutje shtoi se në fotografitë e bashkangjitura si prova shihen në takim z. Idriz Bilalli, imam në Xhaminë “Met Podujeva” në Podujevë dhe z. Besim Llallosi, imam në Xhaminë e fshatit Herticë. Më tej parashtruesi i ankesës ka kërkuar nga PZAP-i, që subjekti politik LVV, të sanksionohet sipas legjislacionit në fuqi.

Paraqitësi i ankesës, si dëshmi për pretendimet e tij, ankesës ka bashkangjitur 4 fotografi të printuara të përfaqësuesve fetar të cekur në ankesë nga rrjeti social Facebook.

PZAP-i, në kuptim të nenit 7 paragrafi 1, të Rregullave dhe Procedurave të PZAP-it, e ka njoftuar subjektin politik Lëvizja Vetëvendosje (LVV), për ankesën që është bërë ndaj tij dhe ka kërkuar që të përgjigjet ndaj saj deri më datë 11.11.2021, në ora 09:00. Në përgjigje në ankesë të datës 11.11.2021, subjekti politik Lëvizja Vetëvendosje (LVV), konsideron se pretendimet e subjektit politik Lidhja Demokratike e Kosovës janë jo të drejta, për faktin se

ankuesi me qëllim që ta vë në lajthitje Panelin Zgjedhor nuk ka cekur datë se kur pretendon se kundërshtuesi ka vepruar në kundërshtim me rregullat zgjedhore të lartcekura, për faktin se i njëjti ka qenë në dijeni se fotot e bashkangjitura i ka marrë nga portalet e ndryshme elektronike, ndërsa ngjarjet të cilat ankuesi pretendon se është bërë shkelje të rregullave ka ndodhur më datë 02.11.2021. Si provë ka shënuar linkun e Portalit Llapi, info dhe propozojnë PZAP-in që ankesa në fjalë ta hedh poshtë si të palejuar.

PZAP-i, pasi që shqyrtoj dhe vlerësoi ankesën gjeti se:

Ankesa është e pabazuar

Paneli me rastin e shikimit të shkresave të lëndës, vlerësoi se paraqitësi i ankesës nuk ka arritur që me sukses t'i argumentojë pretendimet e veta, pasi që nga fotografitë të cilat paraqitësi i ka bashkangjitur si dëshmi ankesës, nuk mund të vërtetohet se kur Subjekti Politik LVV, ka bërë fushatë me përfaqësues të bashkësive fetare.

Nga fotografitë të cilat gjenden në shkresat e lëndës, vërehet vetëm se është realizuar një tubim i subjektit politik LVV, në të cilin tubim kanë marrë pjesë disa persona, por nuk është cekur se në cilën faqe të facebookut janë postuar fotot e bashkangjitura në ankesë lidhur me tubimin në fjalë, dhe nuk është i argumentuar me asnjë provë se kur është mbajtur ky tubim publik në çfarë date apo kohe, andaj një pretendim i tillë është i përgjithshëm i pa argumentuar ashtu siç kërkohet me nenin 117.3 të LZP-së

Andaj duke u mbështetur në nenin 117.3 të LZP-së ku përcaktohet se: “vendosja për apelet dhe ankesat nga PZAP-i mbështetet në dëshmi të qarta dhe bindëse”, Paneli vlerësoj se pretendimet e tilla janë të pa qëndrueshme dhe si të tilla i refuzoj, për faktin se nga veprimet e përshkruara në ankesë dhe nga provat e ofruara si dëshmi parashtruesi i ankesës nuk ka arritur që të vërtetoj se këto veprime paraqesin shkelje të dispozitave të lartcekura të Rregullës Zgjedhore Nr.13/2013, pasi që ankesa e parashtruesit ka qenë sipërfaqësore dhe jo e konkretizuar, dhe si të tillë të njëjtën e refuzoi si të pabazuar.

Paneli në kuptim të nenit 115.1 dhe nenit 117.3 lidhur me nenin 118 par.1 të LZP-së, Paneli vendosi si në dispozitiv të këtij vendimi.

Paneli Zgjedhor për Ankesa dhe Parashtrësia
Anr.1110/2021 më datën 11.11.2021

Kryesuesja e Panelit
Afijete Sada Gllhogjani



Këshilla Juridike: Kundër këtij vendimi nuk lejohet ankesa konform nenit 118 par.4 të LZP-së.